



Broj: 03-45-444/25
Datum: 21.02.2025. godine

Federalni zavod za zapošljavanje u skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom zapošljavanja u Federaciji BiH 2023-2030 („Službene novine Federacije BiH“, broj: 94/23), Strategijom jačanja funkcije posredovanja u javnim službama za zapošljavanje u Federaciji BiH, ciljevima iz Programa rada Federalnog zavoda za zapošljavanje za 2025. godinu, Trogodišnjeg plana rada Federalnog zavoda za zapošljavanje 2025 – 2027. godina i Odluke o usvajanju Programa „Obuka i rad kod poznatog poslodavca 2025“ broj: 01/1-45-300/25 od 12.02.2025. godine i Odluka o izmjeni Programa broj: 01/1-45-408/25 od 18.02.2025. godine, od dana 21.02.2025. godine
o b j a v l j u j e

JAVNI POZIV
za učešće poslodavaca u realizaciji
Programa „Obuka i rad kod poznatog poslodavca 2025“

I CILJ I OPIS PROGRAMA

Program se realizira s ciljem povećanja konkurentnosti najmanje 200 nezaposlenih osoba kroz obuku kod poznatog poslodavca, kao i obezbjeđivanje prilike za zapošljavanje nakon okončanja obuke. Program se sastoji od 4 varijante (A, B, C i D) koje se razlikuju u dužini sufinansiranja troškova obuke i zapošljavanja. Poslodavac je u obavezi zadržati najmanje 60% osoba u radnom odnosu nakon završetka obuke i to 6,12,18 ili 24 mjeseca u zavisnosti od odabrane varijante Programa. Više informacija na www.fzzz.ba.

II IZNOS RASPOLOŽIVIH SREDSTAVA

Za realizaciju Programa predviđena su sredstva u iznosu od 3.000.000 KM, u skladu sa Finansijskim planom Federalnog zavoda za 2025.godinu i procjenom za 2026. i 2027. godinu.

Najniži ukupni iznos sufinansiranja je 3.577 KM u okviru Varijante A, a najviši iznos je 15.981 KM u Varijanti D. Detaljnije informacije mogu se pronaći u samom tekstu Programa na www.fzzz.ba.

III PRAVO UČEŠĆA

Poslodavci sa najmanje jednim zaposlenim registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu učestvovati:

- državne institucije, javne ustanove i druge organizacije, čiji osnivač ili suosnivač je Bosna i Hercegovina, Federacija BiH, kanton, općina i grad,
- poslodavci koji su koristili kreditna ili bespovratna sredstva iz poticajnih varijanta Zavoda/Službe a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,
- poslodavci koji ne izmiruju redovno obaveze po osnovu poreza i doprinosa, ili koji nemaju potpisan sporazum sa Poreznom upravom Federacije BiH o izmirenju duga po osnovu doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

Poslodavcu se neće sufinansirati obuka i zapošljavanje osoba koje je već zapošljavao, koristeći ili ne koristeći sredstva iz poticajnih mjera Zavoda, a kojima je prestao radni odnos kod tog poslodavca u posljednjih 48 mjeseci prije dana objave Javnog poziva.

Nezaposlene osobe prijavljene na evidenciju nezaposlenih najmanje dan prije dana zaključivanja ugovora o obuci između poslodavca i nezaposlene osobe.

Za vrijeme trajanja obuke kod poznatog poslodavca, nezaposlena osoba i dalje ostaje prijavljena na evidenciji Službe.

IV PRIJAVA NA JAVNI POZIV

Registracija poslodavca na web portalu Zavoda www.fzzz.ba a je preduvjet za sudjelovanje u Programu, a mora se izvršiti prije podnošenja zahtjeva za sufinansiranjem. Poslodavci koji su već registrirani na portalu Zavoda, provjeravaju ažuriranost svojih podataka.

Zahtjev za učešće u Programu (OR-2025) i drugi obrasci mogu se preuzeti na web stranci www.fzzz.ba

Uz popunjen zahtjev, poslodavci Zavodu dostavljaju sljedeću dokumentaciju:

- program obuke i specifikaciju troškova obuke (OPT – 2025),
- odluku o imenovanju mentora,
- biografiju i dokaze o stručnoj osposobljenosti mentora,
- vjerodostojan dokaz o glavnom bankovnom računu (kopiju kartona deponovanih potpisa, ugovora sa bankom ili potvrdu računa izdatu od strane banke),
- uvjerenje Porezne uprave Federacije BiH o izmirenim porezima i doprinosima ne starije od mjesec dana od dana podnošenja prijave na javni poziv ili Sporazum s Poreznom upravom Federacije BiH o izmirenju duga po osnovu poreza i doprinosa,
- ovjerenu izjavu da poštuje propise koji uređuju oblast rada i zaštite na radu u Federaciji BiH.

Dokumentacija za učešće u Programu dostavlja se na adresu:
Federalni zavod za zapošljavanje
Đoke Mazalića 3
71 000 Sarajevo

Sa napomenom „Prijava na javni poziv po Programu „Obuka i rad kod poznatog poslodavca 2025.“

V OBRADA ZAHTJEVA

Zavod formira komisiju za provjeru kvalificiranosti poslodavaca i obavještava poslodavce o ispunjavanju ili neispunjavanju uvjeta za učešće u Programu. Prije početka rada, članovi Komisije dužni su potpisati izjavu o nepristranosti i povjerljivosti, te nepostojanju sukoba interesa. Svaki član komisije biće isključen iz procesa provjere kvalificiranosti poslodavaca za učešće u Programu, ukoliko se utvrdi da je u sukobu interesa sa podnosiocem prijave. Poslodavci koji su nezadovoljni rezultatima prijave na javni poziv ili imaju sumnju na postojanje sukoba interesa imaju pravo uložiti prigovor u roku od osam (8) dana od dana obavijesti o rezultatima prijave na javni poziv. Prigovor se podnosi Zavodu u pisanoj formi.

Poslodavcima koji su ispunili uvjete za učešće u Programu, dostavljaju se potrebni obrasci (O1 i UG1) i daje rok od 30 dana da uz potpisan primjerak ugovora o sufinansiranju po Programu, dostave slijedeću dokumentaciju:

- spisak osoba koje će biti uključene u Program – obrazac O1,
- uvjerenje o nezaposlenosti za svaku osobu uključenu u obuku,
- potpisane ugovore o obuci za rad bez zasnivanja radnog odnosa UG1,
- Obrazac JS 3120 Prijava / Odjava lica osiguranih u određenim okolnostima (Šifra: 24).

Ukoliko je dokumentacija potpuna i validna, Zavod potpisuje i ovjerava primjerke ugovora, te zadržava jedan (1) primjerak, a vrši povrat drugog primjerka poslodavcu. Služba po zahtjevu poslodavca obezbjeđuje uslugu izbora polaznika obuke.

VI DUŽINA TRAJANJA JAVNOG POZIVA

Poziv ostaje otvoren do utroška sredstava, a najdalje do 15.11.2025. godine.

VII OPŠTE NAPOMENE

Više detalja o samom Programu i prateće obrasce prijave na javni poziv možete pronaći na web portalu www.fzzz.ba.

Dodatne informacije o postupcima, proceduri i aktivnostima iz Programa, nezaposlena osobe i poslodavci dobivaju u Federalnom zavodu za zapošljavanje i nadležnoj službi.

tel: 033-562-927

tel: 033-562-954

Program „Obuka i rad kod poznatog poslodavca 2025“ i prateći obrasci su sastavni dio ovog javnog poziva.